

jon maya

Benetan ikusgarria da bide ertzetik motozale talde bat igarotzen ikustea. Eta zer esanik ez autoan zoazela zure ondotik nola aurreratzen zaituzten ikustea. Moto distiratsuak, oso modelo bereziak... Ikusgarriak.

Baina ez errepidean bakarrik, motozale taldeei xarma berezi bat igarri zaie, espiritu berezi bat daries, elkartzen ari direla ikustea ere ikusgarria da. Oso ezaugarri nabarmeneko jendea izan ohi da. Jantzak, kultur erreferenteak, musika... eta denaren gainetik motoa, eta motozalearen izaera. Eurek diote bizitzeko modu bat dela, bizitza ulertzeko modu bat, bizitza filosofia bat.

Talde berezi bat osatzen dutela onartzen dute, berezitasun horri ez diote uko egiten, baina hortik abiatuta sortu diren desitxuratzak, topiko faltsuak eta gaizki ulertzeak amorrarazi egiten ditu. Horregatik da, sarritan, zenbait komunikabiderekin hitz egitea ez dutela gustuko. «Kaiolako tximinomodu, tribu urbano moduan aurkeztu izan gaituzte makina bat aldiz», esan du Anoetako Cheyenne taberna, denda eta garajeko arduradunak, Emik.

Egin behar duzun erreportaiari buruzko galdera mordoa egiten dute, informazioa nola jorratuko den jakin nahi dute. Ez dute desitxuraketa gehiagorik nahi. «Gainera, normalean motozalea ez da argazkizalea, ahal den neurrian oharkabea igarotzea gustatzen zaio», dio Emik. Ordea, azaldutakoarekin ados badaude, ez dute inolako zalantzarik laguntzeko. Adeitsu portatzen dira, eta euren izaerak gordetzen duen onena azalarazteko gogoz jarduten dira.

«Garai honetan oso galduta dauden hainbat balore gure artean oso ondo gordetzen dira», jarraitu du Emik. Lagunarteko harreman oso indartsua dute euren artean: «Edonora joan eta lagun motozale bat baldin baduzu, badakizu baduzula non lo egin, norekin garagardo bat hartu eta non jan».

Manuk eta Martinek ere bat egin dute horretan Emirekin, eta nabarmendu dute zer nolako errespetua dioten elkarri: «Badakizu ondokoak zure ilusio bera duela, afizio bat eta sentimendu bat elkarrekin duzula, eta sufritzen duzunean ere berak zuk adina sufritzen duela».

Hiru motozaleok ez dute arazorik euren izaeraz mintzatzeko. Hirurek diote motoa «askatasunerako» tresna dela beraientzat: «Lanetik ateratzea edo asteburuan buelta bat ematera ateratzea txip aldaketa bat egitea da, haize berria hartzen duzu». Baina zerk sortzen du horrenbesteko gozamena? «Parajea ikustea, errepidean joatea... guztia da».

Beste ezaugarri batzuk ere badituzte. Motoa maite baino maiteago dute, eta hitz egitean sumatzen zaie pertxenta samarrak ere badirela: «Bai, bai, egia da, motoa ahalik eta distiratsuena izan behar da, ahalik eta ederrena, beti pentsatzen ari zara nola hobetu dezake-

▼ juan carlos ruiz / argazki press



Gurpil gaineko

bizimodu

Motozaletasuna barne-barnetik datorren sentimendua da. Bi gurpilen gainean jarri eta errepidean askatasun osoz joatea gozamena dela diote horrela sentitzen direnek. Eta, gainera, ezin daiteke esan horrela pentsatzen dutenak gutxi direnik. Motoa bizitzeko eta pentsatzeko arrazoi nagusi dute euskal herritar askok.

tatuajeak... «Tatuajeak, hain zuzen, oso ohi-koak dira gure artean; gehienek daramatza-gu».

Hippyen ondorioa

Motozaleek 70eko hamarkadan dute jatorria. Garai hartan puri-purian zen hippy mugimendua, batik bat Estatu Batuetan. Bidaiatzea askatasun seinale zen, nomada izaera zuen belaunaldi berri bat sortu zen. Hasieran oinez, baina geroago motoa bidaiatzeko tresna gisa hasi zen agertzen. Gazte hippy horietatik baziren batzuk Jack Kerouak idazlearen *On the road* liburua bizilege egin zute-

Emik oraindik gogoratzen du nola 1983. urtearen inguruan lauzpabost motozale besterik ez zen Euskal Herrian: «Hortik aurrera bakoitza bere inguruan zaletasuna zabaltzen joan zen, guk geuk lokalak edo dendak ireki genituen, hainbat moto modelo, aldizkariak eta abar iristen hasi ziren eta mugimendua sendotzen».

Gaur egun, nahiko ohikoa da motozale taldeak ikustea. Manu, Martin eta Emik diote beste garai batzuetan mugimenduak zale gehiago izan duela: «Moda kontua da, baina guk nahiago dugu motoa modan ez egotea. Hala, benetan atsegin duena ibiliko da, eta ez modaren atzetik dabilena; gu lasaia-go gaude horrela».

Gehienbat asteburuetan ibilaldiak edo elkarretaratzeak antolatu ohi dira motozaleak biltzeko. Iragan larunbatean, adibidez, elkarretaratze bat egin zuten hildako motozale bat omentzeko, Anoetan. Baina motozaleei berdin zaie han-hemenka ibiltzea, hori da haien patua, eta, urruti bada ere, mugitzen dira bilkura batetik bestera. Motoekin jolasak, motoen arteko lehiaketak, kontzertuak, bazkariak... Euskal Herrian motozaleek bi hitzordu garrantzitsu izaten dituzte, biak uztail aldera, bata Sestaon eta bestea Anoetan.

Euskal Herriko motozaleak

Euskal motozaleei buruz mintzatzeko garaian hitz onak besterik ez dugu jaso. Beste hainbat ezaugarriren artean, baina, Emik bat nabarmendu digu: «Bitxia da, baina ia hemen bakarrik gertatzen den fenomeno bat dugu gure artean, custom motoetan ibiltzen direnak edo abiada biziko motoetan ibiltzen direnak ondo moldatu ohi gara Euskal Herrian, ez dago ika-mikarik, lokal bertsuetan biltzen gara... Beste leku batzuetan hori ez da gertatzen». Arrazoiak agian guztiek klimarekin edo errepidearekin jasan behar dituzten arazoak izan daitezke, baina kontua da errespetu hori badela guztien artean.

Emik berak beste ezaugarri bat ere gaineratu nahi dio horri: «Herrialde batzuetan beti dago talde polemikoagoa bat; Alemanian naziak ere badira, adibidez, baina hemen talde guztiak oso sanoak dira, inoiz ez da arazorik gertatzen».

Estereotipo «txepelak» uxatzeko gogoz, motozaleek errespetu pixka bat eskatu nahi dute errepidean, gero eta zailago ikusten baitute errepidera irtetea: «Txirrindularientzat eta egiten dira kanpainak, eta guk ere behar ditugu, jendeak gero eta kontu gutxiago du gildatzeko garaian eta guretzat hori oso arrisku-tsua da; errespetua eskatzen dugu».

Emi (Cheyenne denda eta tabernakoa): «Garai honetan oso galduta

dauden hainbat balio gure artean oso ondo gordetzen dira»

zun, nola izan daitekeen hobe...». Eta horrenbeste zaindu ondoren inor ez dadila hurbildu: «Beti ardura osoz zaintzen ditugu motoak, merkeak ere ez baitira».

Hainbeste eskulan, hainbeste ideia izanik, ez da harritzekoa motozaleen artean artista mordoa izatea. «Artelanak ikusten dira», esan du Emik. Horregatik, motozaleen bilkura denetan daude aerografia erakustaldiak,

nak. Beat mugimendua zen hura. Hasieran hippyekin, eta haiek itzaliz joan ziren heinean, beraiek sendotuz joan ziren. Motoaren figura nagusituz zihoan, estetika jakin bat sortzen ari zen, eta horren guztiaren garapena izan da gerora egungo motozaleen artean geratu dena. Sentimendu horrek Pazifikoa zeharkatu zuen, eta Euskal Herri iristea lortu zuen 80ko hamarkadaren erdialdera.

Mo

Errepidean gehiago ikusi webgurutik sortatzen atera

- Talde horretan joateko eta al seguru
- Talde izango arduradun edo a
- Talde norab
- Bide erabaki azken guztia
- Era taldeak
- Gas dute.
- Bak aurre
- Nor den z
- Mo eta tr